



Pripadnici **SIPA-e** u akciji protiv trgovine ljudima

Djevojke iz BiH, Srbije i Ukrajine preko interneta prodavane za seks

U BiH uhapšeno osam članova organizirane svodničke bande, u Srbiji tri te u Njemačkoj pet • Fotografije nagih djevojaka i opis seksualnih sklonosti objavljavani na internet stranici u Njemačkoj

A. ALJIMI

Istražitelji Državne agencije za istrage i zaštitu (SIPA) učestvovali su u opsežnim međunarodnim akcijama kodnih naziva "Twins" i "Pismo" radi razbijanja lanca trgovine ljudima i prostitucije.

Grupa osumnjičenih iz Bosne i Hercegovine i Srbije iskorištavala je težak položaj djevojaka iz BiH, Srbije i Ukrajine, koje su koristili za pružanje seksualnih usluga na području BiH, Austrije i Njemačke.

Operativna saznanja

Na području Sarajeva, službenici **SIPA-e** su, uz podršku kolega iz Ministarstva unutrašnjih poslova Kantona Sarajeva, uhapsili osam osoba i pretresli objekte na više lokacija. U Srbiji su pala trojica trgovaca bijelim robljem S. V. (40), T. K. (30) i M. N. (45). I jedni i drugi vrbovali su mahom mlađe djevojke, od kojih je bilo i onih koje su 1994. godište.

Akcija je provedena i u njemačkim gradovima Ulmu i Minhenu, gdje je uhapšeno pet osoba. Ova grupa djelovala je na području BiH, Srbije, Nje-

mačke i Austrije, a više od dvije godine bavili su se trgovinom ljudima, posredovanjem u prostituciji, vrbovanjem za međunarodnu prostituciju i pranjem novca te se sumnja da su ostvarili korist veću od 150.000 eura.

U Srbiji su žene okupljane u Beogradu, Smederevu, Novom Sadu, Kuli, a u BiH ih je najviše bilo iz Sarajeva.

Kontrola svodnika

Odožene su u Njemačku, gdje je organizator grupe, koristeći kompjuterske

mreže iz BiH i Njemačke, na internetskoj stranici otvarao žrtvama profile, na kojima je davao njihov opis, seksualne sklonosti, godište, cijene seksualne usluge, fotografije, način i mjesto kontakta radi pružanja seksualnih usluga.

Istražitelji su utvrdili i da su, nakon kontakta klijenata na njemačkoj internet stranici s nekom od žena, svodnici o mjestu, vremenu, vrsti i cijeni seksualne usluge obavještavali žrtve putem Vibera ili SMS-ovima. Od djevojaka su dobivali povratne infor-

macije o pruženoj seksualnoj usluzi i zarađenom novcu.

Profil djevojaka redovno su ažurirani eksplicitnim fotografijama i ponudama, a klijenti su, nakon pružanja seksualnih usluga, ostavljali komentare, utiske i preporuke za druge klijente.

Djevojke koje su pokušale izaći iz ovog lanca, bile su izložene prijetnjama, psihičkom i fizičkom zlostavljanju. Ukoliko bi odbile određene seksualne usluge, bile bi, također, kažnjavane visokim novčanim iznosima.



Na internetskoj stranici klijenti kontaktirali djevojke

Izuzeti dokazi u Vogošći

Kako je naknadno saopćeno iz **SIPA-e**, u okviru akcije "Pismo" na jednoj lokaciji na području Vogošće izvršen je pretres

objekta radi pronalaska i oduzimanja dokaza za vrbovanje i prostituisanje djevojaka iz BiH. Uhapšen je jedan osumnjičeni.



Privodenje jednog od osumnjičenih u prostorije SIPA-e